

Na osnovu člana 6. stav 2. Zakona o budžetima u Federaciji BiH („Službene novine Federacije BiH“, broj 102/13, 9/14 - Ispravka, 13/14, 8/15, 91/15 i 102/15), člana 70. stav 1. tačka 2. Statuta Općine Vogošća („Službene novine Kantona Sarajevo“, broj: 27/14 – Prečišćeni tekst i 14/15) i člana 7. Odluke o Izvršavanju Budžeta Općine Vogošća za 2016. godinu („Službene novine Kantona Sarajevo“, broj 2/16 i 15/16), Općinsko Vijeće Vogošća na sjednici održanoj 29.12.2016. godine, donijelo je

O D L U K U

O POVEĆANJU PRIHODA I RASPOREDU RASHODA U BUDŽETU OPĆINE VOGOŠĆA ZA 2016. GODINU U IZNOSU OD 1.224.617,07 KM NA IME NAMJENSKI ODOBRENIH SREDSTAVA – TEKUĆI TRANSFERI OD DRŽAVE, TEKUĆI TRANSFERI OD FEDERACIJE KAPITALNI TRANSFERI OD KANTONA I KAPITALNI TRANSFERI OD OPĆINE

Član 1.

Ovom Odlukom povećavaju se ukupni prihodi i rashodi Budžeta Općine Vogošća za 2016. godinu u iznosu od **1.224.617,07 KM**, tako da ukupni prihodi i primici kao i rashodi i izdaci Budžeta Općine Vogošća za 2016. godinu, umjesto **13.015.000,00 KM iznose 14.239.617,07 KM.**

Član 2.

Prihodi Budžeta Općine Vogošća za 2016. godinu utvrđeni u članu 1. ove Odluke u iznosu od 1.224.617,07 KM su namjenski prihodi odobreni za:

- Sredstva u iznosu 20.000,00 KM za ekonomski kod 732111 – primljeni tekući transferi od Države – sredstva Ministarstva civilnih poslova za „Sufinansiranje sportskih manifestacija“ za 2016. godinu,
- Sredstva u iznosu 10.000,00 KM za ekonomski kod 732111 - primljeni tekući transferi od Države – sredstva Ministarstva za ljudska prava i izbjeglice BiH za sanaciju i izgradnju stambenih jedinica u svrhu zbrinjavanja Roma,
- Sredstva u iznosu 5.000,00 KM za ekonomski kod 732112 – primljeni tekući transferi od Federacije – sredstva Ministarstva prostornog uređenja za utopljanje planinarskog doma „Planinar“,
- Sredstva u iznosu 215.000,00 za ekonomski kod 742114 – primljeni kapitalni transferi od Kantona, sredstva Zavoda za izgradnju za uređenje riječnih korita,
- Sredstva u iznosu 50.000,00 KM za ekonomski kod 742114 - primljeni kapitalni transferi od Kantona, sredstva Ministarstva komunalne privrede i infrastrukture za sanaciju i rekonstrukciju javne rasvjete,
- Sredstva u iznosu 600.000,00 KM za ekonomski kod 742114 - primljeni kapitalni transferi od Kantona, sredstva Ministarstva prostornog uređenja na ime stambenog zbrinjavanja porodica iz naselja Svrake kupovinom stanova koji su u vlasništvu Fonda Kantona Sarajevo,
- Sredstva u iznosu 324.617,07 KM za ekonomski 742114 – primljeni kapitalni transferi od Kantona, Sredstva Ministarstva finansija Kantona Sarajevo na ime stambenog zbrinjavanja porodica iz naselja Svrake kupovinom stanova koji su u vlasništvu Fonda Kantona Sarajevo i
- Sredstva u iznosu 10.000,00 KM za ekonomski kod 742116 – primljeni kapitalni transferi od općina – Sredstva Općine Novo Sarajevo za sanaciju klizišta.

Član 3.

Sredstva iz člana 2. ove Odluke raspoređuju se namjenski na razdio i namjenu u posebnoj dijelu Budžeta Općine Vogošća za 2016. godinu i to:

- razdio - Jedinstveni općinski organ uprave
- **Potrošačka jedinica Služba za privredu, integrisani lokalni razvoj i društvene djelatnosti:**
 - Ekonomski kod 614324 – u okviru grantova udruženjima građana dodaje se nova pozicija i to: sredstva Ministarstva civilnih poslova za „Sufinansiranje sportskih manifestacija“ za 2016. godinu, 20.000,00 KM,
 - Ekonomski kod 615118 – u okviru pomoći u izgradnji planinarskog doma dodaje se nova pozicija i to: sredstva Ministarstva prostornog uređenja za utopljanje planinarskog doma „Planinar“, 5.000,00 KM.
- **Potrošačka jedinica Službe za geodetske, imovinsko - pravne poslove i katastar nekretnina:**
 - Ekonomski kod 614239 – u okviru ostalih transfera pojedincima, dodaje se nova pozicija i to: sredstva Ministarstva za ljudska prava i izbjeglice BiH za sanaciju i izgradnju stambenih jedinica u svrhu zbrinjavanja Roma, 10.000,00 KM.
- **Potrošačka jedinica - Služba za komunalne, poslove mjesnih zajednica i zajedničke poslove:**
 - Ekonomski kod 615118 – u okviru uređenja riječnih korita dodaje se nova pozicija i to: Sredstva Zavoda za izgradnju za uređenje riječnih korita, 215.000,00 KM,
 - Ekonomski kod 615118 – u okviru sanacije elektro mreže dodaje se nova pozicija i to: Sredstva Ministarstva komunalne privrede i infrastrukture za sanaciju i rekonstrukciju javne rasvjete, 50.000,00 KM.
- **Potrošačka jedinica Služba za poslove Općinskog vijaće i Općinskog načelnika:**
 - Ekonomski kod 614241 – u okviru transfera za posebne namjene – elementarne nepogode dodaju se nove pozicije i to: sredstva Ministarstva prostornog uređenja na ime stambenog zbrinjavanja porodica iz naselja Svrake kupovinom stanova koji su u vlasništvu Fonda Kantona Sarajevo, 600.000,00 KM i sredstva Ministarstva finansija Kantona Sarajevo na ime stambenog zbrinjavanja porodica iz naselje Svrake kupovinom stanova koji su u vlasništvu Fonda Kantona Sarajevo, 324.617,07 KM.
- **Potrošačka jedinica Služba civilne zaštite:**
 - Ekonomski kod 615118 – postojeći grant za sanaciju klizišta uvećava se za sredstva Općine Novo Sarajevo za sanaciju klizišta, 10.000,00 KM.

Član 4.

Realizaciju sredstava iz člana 3. ove Odluke izvršit će Načelnik Općine Vogošća u skladu sa potpisanim Sporazumima i Ugovorima i to: Ugovorom između Ministarstva civilnih poslova i Općine Vogošća broj: 02-14-2425/16 od 16.12.2016 godine, o sufinansiranju sportskih manifestacija za 2016. godinu; Ugovorom o transferu sredstava između Ministarstva za ljudska prava i izbjeglice BiH i Općine Vogošća, broj: 02-14-2571/15 od 29.12.2015 godine, o sanaciji i izgradnji stambenih jedinica u svrhu zbrinjavanja Roma; Ugovorom o sufinansiranju projekta između Federalnog ministarstva prostornog uređenja i Općine Vogošća, broj: 02-14-1646/16 od 03.08.2016 godine, o utopljanju planinarskog doma „Planinar“; Sporazumom između Zavoda za izgradnju Kantona Sarajevo i Općine Vogošća broj: 02-14-1802/16 od 05.09.2016 godine, o realizaciji Projekta Regulacije riječnih vodotoka u Vogošći; Sporazumom između Ministarstva komunalne privrede i infrastrukture i Općine Vogošća broj: 02-14-2005/16 od 18.10.2016 godine za realizaciju projekta sanacije i rekonstrukcije javne rasvjete na području općine Vogošća; Sporazumom između Ministarstva prostornog uređenja, Fonda Kantona Sarajevo za izgradnju stanova i Općine Vogošća broj: 02-14-2425/16, od 21.12.2016. godine, o trajnom stambenom zbrinjavanju fizičkih lica čiji su stambeni objekti potpuno uništeni ili zbog oštećenja nisu za stanovanje na području Općine Vogošća putem kupovine stambenih jedinica i Ugovorom o realizaciji pomoći Općini Vogošća između Općine Novo Sarajevo i Općine Vogošća broj: 02-14-876/16 od 14.09.2016 godine na ime otklanjanje posljedica izazvanih djelovanjem prirodne nesreće – sanaciju klizišta.

Član 5.

Ova Odluka čini sastavni dio Budžeta Općine Vogošća za 2016. godinu.

Član 6.

Ova Odluka stupa na snagu narednog dana od dana objavljivanja u „Službenim novinama Kantona Sarajevo“ i primjenjivat će se za fiskalnu 2016. godinu.

Broj: 01-02-2506/16
Vogošća, 29.12.2016.godine



PREDSJEDAVAJUĆI
OPĆINSKOG VIJEĆA VOGOŠĆA

Tarik Curić